

渭南文集卷第一

山陰陸游

綫裝書局

表

天申節賀表

化國之日舒以長運啓千齡之盛天子有父
尊之至心均萬寓之驩敢即昌期虔申壽祝
中賀恭惟大任繼愈署簽



宋集珍本叢刊

第七十四册

四川大學古籍整理研究所 編

儒藏系列

宋集珍本叢刊

第七十四冊

任繼愈署簽



綏裝書局

中國·北京二〇〇四年

第七十四冊目錄

梅亭先生四六標準(續)	李劉		一	
滄浪嚴先生吟卷	明正德刻本	嚴羽		二三五
鶴林集	清乾隆翰林院鈔本	吳泳		二七九
蜀阜存稿	徐氏家集本	錢時		六六九
平齋文集	清影宋鈔本	洪咨夔		七三一

梅亭先生四六標準卷之九

謝辟置

再辟制幹入蜀謝丞相

遮日而走長安幾穿破履登天而攀蜀道忽得舊
疆知塊土之無垠難越超而不進輒修贊見併吐
謝衷伏念某猥麟亡奇睢盱有志一科不補隨身
溝瀆之尋常萬物皆塵妄意簡編之尺寸繇頃年
之從辟抵中道而遭艱跨海涉湖痛尤未定門參
歷井夢不敢尋故因祥除甘就部闕適於西清之
衆論許爲東閣而一言遂令索米之人式勉乞漿

梅亭先生四六標準

卷九

一

宋集珍
本叢刊

之興幣璫而售乾璞誰適爲容麴村以待大材汝
非所及猶賴益州之元德尚思吳下之阿蒙羅而
致之兆足行矣幾葬魚腹固嘗回孝子之車又過
羊腸益合叱忠臣之馭切聞殿西之顧頌及雲南
之師要是四蜀之可憂殆匪一端而遽止雖托重
固在詩書之帥然拔尤宜得文武之才置諸鄒枚
之間蓋有禕允之任豈應庸下可在選中伏遇某
官身佩安危功有開濟獨揮九日再爲天地以立
心八荒一雲復令山澤之通氣行政如彼其久樂
不存焉當今捨我其誰聖之任也粵從更化專務

調元三階既平元首有股肱之喜五胡方擾中國
無齊禪之憂然欲折千里之衝是必開聚正之路
得人朝廷得人幕下寧有重輕誠死城郭誠死封
疆要加儲養如有所試俾勉此行其敢不體認一
陶攀緣九折堪其事者謂之力藉莫酬相國之知
遠而使之觀其忠詎敢作衆人之報

謝董制置

居新

辟充成都撫幹

薄領抗塵自分湘濱之憔悴帥幢辟傷許令蜀道
之攀緣初無待於懇祈便力爲之振拔請裁四六
少謝萬分切觀我宋帥蜀之臣無若後趙前張之

梅亭先生四六標準

卷九

二

宋集珍
本叢刊

懿忠定之薦辟必方康恬退之人清獻之奏揚皆
骨鯁敢言之士欲濟其美在簡乃僚伏念某殫李
不豐聞道尤淺怵於爲養強營三釜之謀拙不適
時竟墮一科之底謂屠龍之可學又畫虎之不成
孫寶安得自高且棲矮屋王珣能令公喜偶傍轅
門其實出朱入墨之材終非泛綠依紅之器駭從
臣之出牧拍尊選以見招我猶未免鄉人固應累
陶鎔之造翁真善幹國事何至頃斗筲之材聞已
踐閭闔之風欲共泛瞿塘之水成都萬事好每歌
誰能委珪幣之詩長沙千里平恐發刃著主衣裳

之笑進退維谷僂僂循墻及見文移不突控避鮑叔真能知我他復誰知政身未可許人盡爲公許恭惟某官含弘光大明允篤誠親結冕旒進儀筆橐晝日三接而天心默契終歲九遷而人望尚著一節使燕言面無幾微之見三刀夢益氣色歸號令之明欲擇懷寶必先朝彥况幾兩幾駟而出定多驥尾之攀何一琴一龜之餘亦取鶴翎之短以識字有數爲敏贍淹該之學以多言數窮爲貫穿通達之材自視歉然公言過矣然已入朝取良爲之數難更作夕避長蛇之疑某敢不潔正此心報

梅亭先生四六標準

卷九

三

宋集珍
本叢刊

公從事豈但陪合樂之嬉

代趙主簿希坡謝衛參帥辟撫屬

黃綬抗塵幸蒙恩而受代碧幢率屬辱刻奏以充負雖未占天問之果酬豈不假人言而後得頂踵皆歸於特達肺肝倍激於輪囷伏念某名爲皇宗實本素士先人存趾嘗首列於儒科元舅拊頭謂必成於宅相遭家多難欲仕無津躡僑擔登輦別

家園之松菊懷欽抱慙甘依學舍之藿蘆偶爾登名漫而試吏會計而已初無出位之思名實未加監竊代庖之譽不堪位置何足控搏泰階六符忽擁旌麾而至明堂一柱不遺肩揆之微曲假存全夔令任使及瓜而代詎希東閣之留繞木何依空結南枝之戀不圖裁鑒忽辱薦揚錐之處囊中初無見穎羅而致幕下欲使空羣重惟蟻蠹之官憂乏蚍蜉之援一齊衆楚豈能回莊岳之音九舜十堯不敢望隆冬之穀知賢而舉惟斷乃成縱寄牋閣闔之風未知利鈍然銘心泰泰之石豈易銷索

梅亭先生四六標準

卷九

四

宋集珍
本叢刊

伏遇某官四海真儒三朝舊弼文章有貴再見武公之賢招選無遺一洗將軍之陋自元戎十乘之啓至長沙千里之平苟有寸長悉入大鈞之播不遺餘力復收小子之狂欲令奔走於顏行力借吹噓而送上萬一所請或不見知尋常之恩豈可並言某敢不銘佩異知激昂晚節將母來諗身雖未可以許人懷德惟寧士固必伸於知己

代盧尉仲雋謝諸司辟知資興縣

蓬楚塵埃之微福偶幸代更繭絲保障之謀人猥勤特辟戴使天之私覆循材地以中貶惟義柳據

楚之上流而資興號晉之古縣數百年瓦礫之迹
猶有劫灰五六載鋒鏑之餘肇稱新邑俗多鼠嘯
財欠鬼輸欲其賣劍以買牛相與抱孫而歌犢是
在撫字之職宜得通練之材歷數部封何限囊中
之穎豈期庸委遂蒙送上之噓雖未占天問之果
酬然敢不足言而夙駕伏念某起於寒遠持是空
踈三年飲墜露於湘濱一念繞落霞於滕閣下車
攘臂敢嬰搏虎之嘲學道愛人難奉割雞之笑不
虞製錦輒使代庖此蓋伏遇某官大鈞無垠小善
必錄耻納溝不被其澤欲惠遠跡出推轂有味之

梅亭先生四六標準

卷九

五

宋集珍
本叢刊

舉自代

謝李侍郎舉自代

玉堂圖舊趣四華以來宣寶閣冠班舉匹夫而為
代止流言於智者發淮記而信然感固感於相知
慙則慙於不稱竊以伯禹固遜于右稷曷嘗稽首
于父斯宣尼謂不如顏淵何與及有之子貢蓋惟
善能舉其類然擬人必以其倫未聞取原照馳驅
之夫謂可備軒墀供奉之數鳳兮巢閣方將揚覽
德之輝馬也守閭正恐累知人之鑒伏
萬狀拓落一官器竊識凡安能起卓

梅亭先生四六標準

卷九

六

宋集珍
本叢刊

言不遺寒素或者封囊之露許還假印之真借以
聲光寬其轡策某敢不力摩凋俗盡布教條不鄙
夷其民當使鳥言夷面之俗事慈惠之帥如在熊
旂金節之前

有深醇當先皇之末年教胄子者數
刺天不美於羣飛四國于宣見雪幸逃於衆吐十
暑貴岷山之葛一寒仍范叔之袍乏四駟四駱之
咨諏端方烏有無一鶴一龜之風采登按何功豈
謂我家侍郎之賢曲念吾宗孫子之老惟學士學
先王之道况敷文敷國典之華兩命以起知章足
為光寵一字之按叔夜却恐簷疎德不待於成身
士固伸於知己此蓋伏遇某官四朝元老一世真
儒奉命任危難之間固國還封疆之界南人不復
反矣東山以公歸兮然申其義陳旂久長於隗而

長光祿金紫當即封於晉國走卒知司馬顧今領
嵩陽崇福之宮胡兒問大蘇亦知起元祐眉山之
學宜煩泥檢來趣脂車幸舍人之治裝副天子之
虛佇帝乃誕敷文德正藉臣鄰王惟圖任舊人適
登丞弼藉令念小草之有遠志何至引老芋而替
伏神某敢不銜佩異知磨礪晚節集賢以待侍讀
固使臣不敢與聞征夫豈不懷歸願君子惟能通
志

代回董惠州

居誦

謝舉自代

咨垂共工自當申稽首之遜舉自

梅亭先生四六標準

卷九

七

宋集珍
本叢刊

背之疏銜袖惠然開緘愧甚恭惟其
器無欲速之心屢薦不入官姑取一麾而去三宿
而出晝無勤千里之追難進易退我不如見賢不
薦誰當耻聊復爾耳止或尼之某欲為王留徒得
君重得隴望蜀戲已驗於前言召鄒延拔客正觀
於未至

代回倪告院

千里

謝舉自代

稟令推賢得公為重袖箋委脫陳義甚高文則其
文謝非所謝恭惟某官學有源本行無瑕疵委蛇
結綠之珍是宜廟序騰階飛黃之駿而犬豕車吏

在論思獻納之班必有輔贊彌縫之益某濫持荷
橐謬廁李官守正奉公實不如於戴胄明刑弼教
義當遜於臯陶不謂高情猶勤私謝惠而好我皆
謂如仁義之言更以贈君願力蹈中庸之正

梅亭先生四六標準

卷九

八

宋集珍
本叢刊

宣賜

賀黃制置

仙固

賜金帶

分間曉庸錫鑾疏寵三品百鍊焜煌內府之盼萬釘九環發表中權之勁不勤使請彌覺道存恭惟某官追琢其相柔惠以直言忠信行篤敬學素得於書紳極高明道中庸強何虞於社革上嘉羊祐輕裘之緩欲厲田單伏鍾之橫肆分紫磨之真昭示黃河之信爲兵餽之何不受從革作辛匪伊垂之則有餘在師中吉向來衆口之鑠曾銷賜爾通天略吐習中之十萬

梅亭先生四六標準

卷九

九

宋集珍
本叢刊

下之兩重某聳聽夫揚阻陪旅賀寬漕儻免累冕賜贊皇于闐之珍尚祈拭

賀魏侍郎

了介

賜金帶

賜爾寶賢橫金增秩書盈于閣進思緯國之文華帶錫之鑾昭示立朝之賓客登庸有漸資爾非常恭惟某官根抵六經光芒五緯忠信篤敬學素得於書紳高明中庸強何關於社革一笑微生於偃月十年良耻於倚冰上應念徒薪之言人望還采薇之帥姑盼芝檢仍進松班中錫九鐶誰曰有常而循故庚金百鍊式彰從革之作新垂則有餘服

無不敦稟躋蹕趾不由鄙塢之貯儲鳳閣鸞臺瑞屬趙家之廿界無勤使請更覺道存橫安平之金不難破狄解武侯之帶寧父渡瀛寰以公歸礪資汝作某聲聞郵報竊賀厦成兩赤重黃自異佩苑蘭之葉千紅萬紫寧能對松栢之柯頌詠惟深敷宣罔既

代回嗣秀王

師執

謝賜玉帶

揚庭煥甄分寶展親追琢其章璀璨簪紳之長溫潤而澤彰施衮繡之光恭惟某官德清琳館合宮薦瑞恪陪耒邱之恭

梅亭先生四六標準

卷九

十

宋集珍
本叢刊

琢萬釘錯落六服焜煌某未能造揚休屹立更勤珠璧之投病骨難堪莫報

被召

賀綿州高知府赴召定子

曉席康水奏計甘泉駕朱兩轡去載屹頽波之柱
奉尺一詔茲辰趨文石之塗用人如斯通國幸甚
恭惟某官參旗孕秀井絡載英師友柳雲黼黻交
輝於河漢伯仲伊呂羽毛盡在於雲霄言從磊落
之州茂著蕃宣之最適貔貅之狼狽委鴻鴈於犬
羊一人之情千萬人之情親援梓而立鼓百步而
止五十步而止紛棄甲以曳兵公獨作唐
守城上不識顏平原之何狀茲者四

梅亭先生四六標準

卷九

十一

宋集珍
本叢刊

此行登仙富貴乃緒餘之事惟懋
遠之看某中塞百罹睽離半世玷征夫之濡轡幸
君子之得輿有德進則朝廷尊既聞耳矣所任賢
則功施普當拭目焉

回諸處賀召命

匹離無力久動歸去來兮之思四牡何功誤叨詔
行在所之命方切循孔墻之避未皇謝鄭轂之推
敢意雲箋先馳露驛恭惟某官重書增秩斧繡生
輝德既厚於蘇祐道仍隆於拔茹噓是拂是起死
草之華風繁之維之伶生芻之空谷齒牙所借羽

翼斯成願其欲拜風靡既憊臂力不能者止詎堪
再傍於九關兆足以行或許退專於一壑徒勤褒
飭但愧感藏

梅亭先生四六標準

卷九

十二

宋集珍
本叢刊

謝趙制置 安總領 賀辭召不允

漕水未解敢希全璧之歸成雪將更誤玷予環之
寵僣倖拜三而引避威顏咫尺之難違此非左右
之先容孰與吹噓而送上伏念某志隨學落氣與
年凋虛警空悲皆信書而成誤乾愁漫解覺行道
之猶非自再泝於岷江已九錯於巴火奉法循理
素倡矣而莫隨節用愛人愧行之之未盡每覺匹
離之無力敢言四牡之有功招大夫以旌豈爲我
設越小臣諸節亦則旁招未敢隨召駟之塵一
返屠羊之肆詎期駢橫莫返漢場此

梅亭先生四六標準

卷九

十三

宋集珍
本叢刊

以禮樂英爲詩書帥十七年千之
尊祖之折衝迄厲二矛重弓之威俾無
之返章尺書而招贊普聞已請降獎三軍而定中
原即觀秦凱每借齒牙之餘論不遺毛髮謗材
致茲無用之人亦有罔功之奏此蓋總領某官卅
濟賈公家傳遠略卿月高升於金掌陣雲連捷於
玉關智運木牛師不憂於左次權兼老駿貢爭效
於右牽佇積勲庸徑登駿假每借齒牙之重不遺
毛毳之微致此湮淪許令敷奏某敢不益加黽勉
復策駑庸雖無治聲塞海內寡二之問願陳民隱

當雲中第一之歌

謝利路高提刑 賀辭召不允

冰消終更誤玷予環之寵露章未允難從俟駕之
私退循頂踵之歸皆出齒牙之借至勤下問尤佩
高情恭惟某官曾看千年材兼數器人或劫劫而
不足公獨懷恢乎有餘繼之維之惟恐生芻之空
谷噓是拂是能吹死草之華風德既厚於蘇枯道
亦隆於拔茹致茲頑鈍亦預招徠某敢違威顏既
復精力不能若止詎堪再傍於九閔非
可退休於一壑

梅亭先生四六標準

卷九

十四

宋集珍
本叢刊

梅亭先生四六標準卷之九

梅亭先生四六標準卷之十

進職

賀童侍郎居誼進職雜李除李士

制垣晉秩寶閣升班論蜀良勞勉徇假留之願登
瀛園龍况加真拜之榮綸綽載揚紳綏交慶恭惟
某官清如秋刷和若春陽雲夢胸寬平吞一百八
盤而無險天風背厚獨負三十六郡而有餘三年
有成萬物吐氣不見賈誼固深半夜之思願借冠
君難抑庶民之請仍魚鳧之開國峻簡而之負圖
一札細行增并鉞參旗之重三模大副貫金之空

梅亭先生四六標準

卷十

宋集珍
本叢刊

府之華歡動南衙膳寒西賊學士象八節不過一
歲之少留刺史入三公便在五雲之多處何限麒
麟之畫滿期龜鶴之還某何足控擗潯蒙料理白
水魚竿之入幕竟作退飛青天鳥道之撫膺又勤
羅致與其徒索長安之米不如來賦灑灑之堆直
爲文翁再剖符兆足行矣安得仙人九節杖亟往
從之

賀陳提刑天宜進職

懋賞外臺升班中秘激西江之水已驗澄清貫東
辟走星有光臨照恭惟某官載揚淑問誕受嘉師

方當攬轡之初適有跳梁之寇無煩獮豸難竟折前
茅爲赤子爲龍蛇各安汝迹不鯨鯢不虺蜮時乃
之功簡于楓陛之知華以蓬山之直雲煙縹緲暫
煩倚章責之流朝夕論思行即遂承明之謁某切
聞成命輒布賀緘何敬非刑諒益謹五辭之聽有
功則悅行將勞四牡之還

代回趙茶馬居誼謝進職

寶儲進直爾命諭留經河緯洛之文書官由人重
控蜀通秦之權牧功以久成何更爲哉其有誠矣
恭惟某官天潢擢秀奕葉飛英禮樂遠而光華邇

梅亭先生四六標準

卷十

宋集珍
本叢刊

車言邁忠信行於蠻貊思馬斯臧茲罔膺任之榮
仍拜加恩之寵歲九遷其自此畫三接以必然某
越在師屯例蒙巽謝翦白鹿坡前之草中夜枕戈
對碧雞坊裏之花何時樽酒

轉官

代董侍郎轉官謝三府

守關山之戍愧乏殊勲序歲月之勞猥升華秩無功報上有愧積中伏念某一出西垂六逢朔易惟是窮日之力粗守封疆不敢貪天之功輒僥爵賞茲蒙恩紀俯錄年勞揆厥所元豈無其自恭惟某官翼扶萬化器使羣工天地爲爐每曲成於萬物山藪藏疾豈求備於一夫致此孤蹤有叨異數誓殫精力仰蒼鴻休

轉朝請郎謝黃侍郎

伯固

梅亭先生四六標準

卷十

三

宋集珍
本叢刊

荒服輦輸何益樵蘇之後副郎銖積叨升糠粃之前曾微入奏之功僅守年勞之叙然於疎拙亦是僥踰自昔就第之侯號奉朝請本朝雜端之職頃視班聯自官制正名之餘寄負郎前行之祿遙瞻粉省知隔幾塵近視土山不容一蹴顧某無似知命不猶載馳驅曾何裨於苞捫不稼不穡亦胡取於塵禾偶成鑽負外之天誰實爲將軍之地茲蓋伏遇某官以大司馬爲冠軍侯養民以致賢人開誠而布公道河以南皆爲晉土爭擊揖以渡江陝而東主之周公且徹桑於未雨藉腹中之兵甲

成塞上之金湯燕人悅則取之昆夷維其喙矣猶念獼猴騎土牛之鈍欲試奔蜂化藿蠟之奇下至斗量尚叨寸進某所慙骯髒不足控搏吾愛吾廬詎敢希於軒冕我任我輩願少緩於鞭笞

轉朝請郎謝監司

內服輦輸何益樵蘇之後外郎銖積叨升糠粃之前曾微日奏之功僅守年勞之次然於庸庸亦是僥逾自昔就第之侯號奉朝請本朝橫榻之任矣視班聯其爲負外之前行蓋在官制之後陟遷瞻粉省知隔幾塵仰視土山詎容一蹴顧某無似知

梅亭先生四六標準

卷十

四

宋集珍
本叢刊

命不猶水馬之走徒勞自甘退舍土牛之駢且鈍何敢着鞭偶成鑽負外之天誰實爲將軍之地茲蓋伏遇某官仁深引類義重嘔枯恰其剪籠中之翎假之羽翼憫其困轅下之輓借以齒牙既費挈提又加獎勞愧無成績可書日月之常尚託餘床歸守煙霞之病

回趙司戶等賀轉官

斗壘藏療曾微歲最天朝懋賞俾叙年勞是爲平進之常難講同寮之謝敢圖高誼見昇屬辭恭惟某官義篤官聯情親事切齊保惠育教誨有味其

言孰披拂孰吹噓不愛其力有怜邊賞躡綴外郎
笑猴騎土牛之蹤真成鈍滯觀雀化水蛤之變要
是沈倫或承之羞不知所賀某未能辟穀久已思
蓐士夫爭磨勘而殺人幸容苟免將軍以告身而
易醉行可句歸

改官

改官謝丞相

璧水綴貞已抱罔功之愧金閨登籍復叨寓祿之
恩此聖世優職事之常而愚儒無功狀之實全出
鑪錘之造敢忘竿牘之恭切以祿至宣德之階雖
八品秩俗羨通班之寵號再登科舉必五負職須
六考貳卿爲之進卷萬乘至於臨軒使百里或九
十之差則分寸有千丈之落幸獲通於班筭又免
待於戍瓜惟甄異於庭紳許帶行於職組以此刈
薪於翹楚斯亮天功如其不稼以取禾曷孚人望

如某者起於素賤加以朱愚自安驚鳩午弼之機
亦乏蚍蜉蟻子之援隨材官蹶張之後不自意全
補文學掌故之聯已逾分願感大鈞無垠之播物
欲小子有造於成人進之東膠告于南面如絲如
綸而如縟有隕自天在汴在陵而在阿孰爲之地
伏遇某官坤厚載物鼎亨養賢耻一夫之納溝中
欲得其所招諸生而立館下恐毀于隨故雖糾錄
之曹亦假超遷之渥某敢不修其可願欽乃攸司
卑者止高者流當益厲六館之仁勇直而溫寬而
栗庶可助九德之敷施

改官謝喬司業行簡

同第七卷除國錄謝葛祭酒啓頭

伏遇某官道航聖蹟材棟儒林左史讀五典三墳
蓋將倚相國子學九德六舞暫假司成當江濤如
此之時軫根本眇然之慮欲作成於六館以表厲
於四方有淮者淵不嫌葭葦之衆言刈其楚蓋爲
薪槱之儲况素出於門牆尤願承其模範某敢不
尊其瞻視識所步趨雖藻火粉米之不同貴賤位
矣僮願繫錡釜之可薦左右毫之

回劉教授大川謝舉改官

梅亭先生四六標準

卷十

七

宋集珍
本叢刊

綴曲江之題知賢已久玷直指之寄察士爲先方
蹶踏於循墻遂蹉跎於削牘有來巽謝良何謙光
伏惟某官行有宮庭文爲盤碗吹更生之藥杖孰
非鴻寶之書裁夢得之桃花不作大鈞之問淹回
如此靜退恬然茲雖騰一鶚之章恨未足五犯之
數某冀順無政龍節非材下車而舉慈明豈種私
門之桃李築臺而招郭隗欲開公道之荆榛惟慙
程力之繇更辱摛文之綺

宮觀

賀瀘帥楊尚書改明進職奉祠

元帥賢勞清都均逸文昌八座昔倡九牧以阜民
幕府十年今解伍符而還里顯拜綠綵之寵峻加
紫殿之班歸哉歸哉幸甚幸甚恭惟某官柔嘉維
則從容以和節繁抗岷峨之橫淵源深江漢之濯
高塵迅步不受人間風日之塵緩轡徐驅徑曳天
上星辰之履五月瀘溪之入九鑪巴火之新大國
十連民無遺便細書一札王曰遄歸乃思盡行之
榮欲就晚賦之樂日出而作皆言倦飛則知還夜

梅亭先生四六標準

卷十

八

宋集珍
本叢刊

行不休誰作急流之勇退偉公高節立我懦夫孔
幾耳目未覺衰力控二宜之疏溫公肺腸爲已有
暫營獨樂之謀况幾兩幾駟羨巨源之歸而一壩
一區足子雲之樂南方已定足可從赤松之游東
征是皇尚當爲蒼生而起某夙蒙異顧輒布賀忱
既羨公未老而得閑又愧我每懷之靡及挹浮丘
之使尚願執鞭登黎侯之樓或蒙援筆

賀李侍郎進秩敷文閣學士提舉嵩山崇

福宮

扶杜勞還崧高均逸大行臺之保大載績武功真

學士之拜真誕敷文德有偉急流之退式觀晚節之香恭惟某官博極羣書洞視萬古用之禮義講唐虞於細繯詰爾戎兵撻秦楚之堅甲昔者狂瀾之倒屹然暢轂之堅遠揚邇昭外鎮內撫盡護諸將不聳一塵王曰遄歸將運籌帷幄之內我戎未定且收身矢石之間學士象四時光祿正二品祝釐太室真聞呼萬歲之三詔祿禁廬又可襲六藝而七班接西京之鸞鶴歡騰北野之龜魚名與身而孰親事隨憂而共減起視當世允謂全人恭聞除書詠裁楚語起溫公於崇福不無願公入相

梅亭先生四六標準

卷十

九

宋集珍
本叢刊

之人迎老子於函關且致為我著書之請

賀安觀文丙除節使開府官觀代董聖制

元老求開清朝疏寵齋壇授鉞新大將之威儀揆路影纓等上公之體貌仍峻竹宮之領用華梓里之歸綸綽載揚紳綏胥慶恭惟某官材弘且毅器博而周所守匪親化為豺狼頃幾失劍門之壯無禮於君誅如鳥雀公迄回沔水之朝是為非常之功宜受不次之賞况尅復四州於談笑而撫摩八載之瘡痍若時登庸遂典樞機之貳聞命就道又成藩屏之留方深虛佇之思忽控養恬之請橐堯

戰蘇儼十乘以啓行衡統絃縱視三階而命秩仍從神圉以佚安期是為地上之仙何愧山中之相向也雲無心而出岫今則水有時乎回淵惟出入將相之榮雖聖賢而難必至功名終始之際尤今古之罕全貫一節於行藏知百年之壽考從容甲第寧肯甘田宅之汗笑傲午橋自可窮園林之勝其聳聞盛事敬仰高風季鷹思吳亦欲為適志之舉司馬還蜀何當效負弩之迎

代秘丞林郎中夢英謝丞相得祠祿

老而妄動自速煩言罪以疑輕尚沾微祿豈惟殊

梅亭先生四六標準

卷十

十

宋集珍
本叢刊

謬倍費保全戴洪造之難名撫孤蹤而增感伏念某狷狃諧世慙獨愈人少而耻有道之賤負妄希干祿壯始悟不義之富貴亦足辱身因嘗把江海之麾惟不願冰山之倚甫違繒繳便入林泉食神圉之祠凡五六任頓屠坦之刀幾十九年自量叔夜之不堪任笑仲連之強作母友不如已者乃師教之以義強委重焉則君命也自屠羊之反肆即殺馬而毀車誰誤聽聞忽矧擢念士非其招而往孔子奚取焉苟傲無所恃而行韓愈亦人耳抗辭有罪引疾為欺冒然扶僊以奉承識者逆憂其顛

沛清班難僭顧再轉而爲丞素行久愆非一鳴而輒斥既云欺世安所避刑竊鉄無往而非疑聚鐵不容於鑄錯下賢下使身已變於三期僞行僞言誅何逃於七日投荒已幸續食謂何豈老芋之似秩神元非罔市而遠志之爲小草失在出山無墜諸淵姑予之金輿而召毀而去聖則何心吉之先動之微汝曾不悟致勤大播如此曲成伏遇某官謙虛受人坤厚載物謂士非梁冀之賓客謾與招徠至人言盧杞之姦邪固難獲護怒猶疑其盜思殺寧失之不經疾雷震於物無存全之理蓋天

梅亭先生四六標準

卷十

十一

宋集珍
本叢刊

容地乃今知寅亮之功見大德之好生堂匹夫之受賜某仰街厚施已迫頽齡斗升之活彼臣固貪舊物七十而致君事正在新年與其身後重作僞之愆不若生前瀝祈哀之惻淵愧林惠之無盡悔不可追鍾鳴漏盡而不休行將焉入得反初服實出大鈞小人之過必文何嗟及矣君子之愛以德願卒成之

代李制機大有得祠謝丞相

幕府效愚猥蒙重劾公朝省過特畀真祠感無地以寄言德如天而難論伏念某才固無似命亦不

猶門戶百年難問庭前之雀科名二紀真同竿上之魚幸且安百里之子男誰使作諸侯之賓客既叨贊畫安敢隱情堂上之兵未可屈人於不戰幕中之辯真乃以我而爲傾怒因水蟹之移殃竟池魚之及言如綸綍固疑下使以下賢法猶權衡寧免則筆而則削奪其兩秩條已暮年適逢肆責之恩輒動問鈞之請賜之大知之至前感已多閱其窮察其愚茲恩尤厚過蒙復玷特賜祝釐疾雷震霆於物無存全之理祥風甘雨乃今有霽露之功恭惟某官社稷世臣鼎彝家學以一二日萬幾之

梅亭先生四六標準

卷十

十二

宋集珍
本叢刊

無曠乃十五年獨力而有餘得伊尹以格皇天亦既俘三醜之寶玉問鄧禹而披輿地行將膺萬國之貢珍諒欲四海之會同益思九德之咸事矧惟孤迹夙累一陶茲加拔拭之仁殆有發生之漸某敢不銘心圖報設齒銜恩桃李盡在公門豈終使一株之慘淡封菲無以下體尚希發寸草之華滋

致仕

回李致政坤載

聯事少城一星終矣懷章仁里數月于茲未皇致
擁簪之恭猥先辱踵門之見恭惟某官盤根仙種
發蔭儒英夷惠可否之間夙播仲元之譽達榮前
後之舉莫回令伯之高終難縮手於袖間竟出摘
髭於頷下一第直涸子終嫌識路之疾驅再轉不
負丞甘作急流之勇退尋樞中之四皓見林下之
一人致為臣而歸良可厚近古之俗從邦君其上
尚為賦遠景之樓某為長於斯得人為耳車哉而
馬幾駟孰不羨揚侯之賢蘊一本水一盂更願開
任棠之誨

梅亭先生四六標準

卷十

十三

宋集珍
本叢刊

回彭致政琛謝致政王仲

一經教子人服義方五福錫民天頒仁爵未皇走
慶先沐陳箋伏惟某官典刑老成魁壘著文漢庭
用少功名雖恨於蹉跎周王作人壽考固同於飛
躍蔚秋蘭之流馥忻春草之隨袍貴老為近於親
式稱綵衣之養乞言以成其祿會聞黃髮之詢某
及交阿戎還識叔夜壽胥與試此何與魯侯之功
盍歸乎來行即顯文王之世

卷十